

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2379/19
Sarajevo, 23.1.2020. godine

Z A P I S N I K

4. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 19. 12. 2019. i 23.1.2020. godine

Sjednica je počela sa radom u 11.25.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice opravdale su Alisa Hajdarović i Mirela Trepanić.

Prema evidenciji Stručne službe, sjednici prisustvuje 50 delegata što čini većinu pa Dom naroda može raditi i punovažno odlučivati.

Potom je predsjedavajući podsjetio delegate da na osnovu člana 109 Poslovnika o radu Doma naroda Parlamenta Federacije Bosne i Hercegovine, ukoliko žele, mogu postavljati delegatska pitanja ili pokretati inicijative.

Delegatska pitanja i inicijative

Damir Marjanović je postavio pitanje Federalnom ministarstvu obrazovanja i nauke šta je poduzelo po pitanju analize rezultata PISA testiranja na nivou Federacije.

Pokrenuo je inicijativu da se najkasnije do kraja januara 2020. godine organizuje sastanak svih kantonalnih ministara pod pokroviteljstvom Federalnog ministarstva obrazovanja gdje bi se analizirali rezultati testiranja.

Boris Krešić je postavio dva pitanja i pokrenuo jednu inicijativu.

Inicijativa se odnosi na izmjenu i dopunu Zakona o zdravstvenom osiguranju Federacije BiH odnosno brisanje dvije riječi u članu 19. tačka 13a uz obrazloženje da su navedenim dijelom člana 19. djeca uzrasta od šest do 15 godina, zbog teškog zdravstvenog stanja koje onemogućuje njihovo školovanje, dovedena u diskriminirajući položaj.

Prvo pitanje je uputio Ministarstvu finansija FBiH, a odnosi se na Izvještaj o finansijskoj reviziji Univerziteta u Tuzli u vezi sa angažovanjem vanjskih saradnika za obavljanje redovnih poslova koji se vežu za obavljanje nastave.

Drugo pitanje je upućeno Vladi FBiH, Ministarstvu pravde FBiH i Ministarstvu rada i socijalne politike. Pitanje se odnosi na Odluku Ustavnog suda iz 11. oktobra 2018. godine kojom je prekršeno pravo na zabranu diskriminacije iz člana 14. Evropske konvencije o ljudskim pravima, a koji se odnosi na izjednačavanje vanbračne zajednice sa bračnom zajednicom u pogledu ostvarivanja prava na penziju.

Damir Džeba je postavio dva pitanja Upravnom odboru, Programskom vijeću i direktoru RTV FBiH. Pitanje se odnosi na iznos kazni koje su plaćene po osnovu kršenja Kodeksa od audio vizuelnim medijskim uslugama.

Drugo pitanje se odnosi na broj kazni koje je RTV FBiH platila na osnovu izgubljenih privatnih tužbi.

Senad Ahmetović je uputio dva pitanja i inicijativu.

Prvo pitanje upućuje ministru za pitanje boraca koje se odnosi na zapošljavanje šehidske djece.

Drugo pitanje je upućeno Vladi FBiH i osam nadležnih ministarstava u vezi sa Planom aktivnosti rada za 2020. godinu po pitanju migranata u FBiH.

Pokrenuo je inicijativu da nadležno Ministarstvo poduzme sve aktivnosti koje su potrebne kako bi se u 2020. godini po hitnom postupku izvršilo zapošljavanje prethodno navedenih.

Sandra Imširović je pokrenula inicijativu kojom je od Željeznica FBiH zatražila ponovno uvođenje putničkih vozova na području Tuzlanskog kantona.

Zvonko Marić je postavio dva pitanja.

Prvo pitanje se odnosi na neprovođenje Odluke Ustavnog suda FBiH kojom su osporeni članovi 15. i 16. Zakona o BiH koji utvrđuju kao isključivu nadležnost kantona utvrđivanja obrazovne politike.

Drugo pitanje se odnosi na dodjeljivanje sredstava kantonima za zaštitu nacionalnih spomenika i na osnovu kojih kriterija se pomenuta sredstva dodjeljuju.

Mladen Simić je uputio dva pitanja.

Prvo pitanje je postavio Federalnom ministarstvu pravde koje se odnosi na državne službenike koji su još uvijek u radnom odnosu, a stekli su uslove za odlazak u penziju.

Drugo pitanje je upućeno Vladi Federacije u vezi sa još uvijek važećom Uredbom Vlade FBiH iz 2015. godine o vršenju ovlaštenja iz privrednih društava sa učešćem kapitala iz nadležnosti Federacije koja nije u skladu sa Ustavom.

Dragan Stevanović postavlja tri pitanja.

Prvo pitanje je uputio Ministarstvu zdravstva FBiH vezano za ustanove u FBiH koje imaju odobrenje Federalnog ministarstva zdravstva za obavljanje djelatnosti liječenja neplodnosti biomedicinski potpomognutom oplodnjom. Kada je izvršen posljednji stručni nadzor nad radom ovih ustanova i kakvi su ukupni rezultati biološki potpomognute oplodnje.

Drugo pitanje se odnosi na Ministarstvo pravosuđa i vezano je za obim sačuvane dokumentacije civilnih i vojnih sudova koji su donosili određene presude i vodili procese u toku ratnih dešavanja na teritoriji FBiH.

Treće pitanje je uputio Ministarstvu zdravstva, na osnovu kojeg plana i programa rada za naredne četiri godine je Upravni odbor Kliničkog centra donio Odluku, a Vlada FBiH donijela odluku za reizbor generalnog direktora Kliničkog centra.

Vibor Handžić je pokrenuo dvije inicijative.

Prva inicijativa se odnosi na izmjenu Poslovnika o radu Doma naroda Federacije Bosne i Hercegovine u dijelu koji se odnosi na klubove naroda i Kolegij doma naroda i da omoguće delegatima iz reda ostalih prisustvo na sjednicama Kolegija. Druga inicijativa je upućena Federalnom ministarstvu prometa i komunikacija koja se odnosi na izmjenu Zakona o cestovnom prometu u vezi sa šatl prevozom.

Aner Žuljević je postavio pitanje vezano za kreditno zaduženje EP HZHB i zatražio je izvještaj od finansijske policije vezano za stanje u Aluminiju d.d. Mostar. Od Vlade FBiH je zatražio dostavu informacije u vezi sa Zaključkom koji se odnosi na JP Deponija d.o.o. Mostar. Pokrenuo je inicijativu prema Predsjedništvu BiH da dostavi dokument u vezi sa programom ANP.

Segmedina Srna Bajramović je pokrenula inicijativu za zakazivanje tematske sjednice na temu informacija o problemima u implementaciji Zakona o transplantaciji organa i tkiva u svrhu liječenja.

Postavila je pitanje koje se odnosi na planove saniranja pojedinih dionica sa oznakom crna tačka u FBiH zbog povećanog broja saobraćajnih nesreća u posljednjih nekoliko godina.

Hadis Jusić je postavio pitanje JP Ceste Federacije u vezi sa izgradnjom magistralne ceste Bihać-Bosanska Krupa.

Prije prelaska na rad predsjedavajući je pozvao delegate da usvoje Zapisnik sa 3. redovne sjednice Doma naroda i Zapisnik sa 2. vanredne sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine bez primjedbi, sa 36 glasova za i jednim suzdržanim glasom usvojio Zapisnik sa 3. sjednice Doma naroda Parlamenta FBiH održane 4.10.2019. godine

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine bez primjedbi, sa 38 glasova za i dva suzdržana usvojio Zapisnik sa 2. vanredne sjedice Doma naroda Parlamenta FBiH održane 14.11.2019. godine.

Potom se prešlo na utvrđivanje dnevnog reda.

Predsjedavajući je obavijestio delegate da je Vlada Federacije BiH dostavila sljedeće prijedloge zakona s prijedlogom da se razmatraju po hitnom postupku i to: Prijedlog budžeta Federacije BiH za 2020. godinu, Prijedlog zakona o izvršenju budžeta za 2020. godinu, Prijedlog zakona o izmjenama i dopunama zakona o budžetima u Federaciji BiH, Prijedlog zakona o izmjenama i dopunama Zakona o trezoru u Federaciji BiH, Prijedlog zakona o izmjenama Zakona o doprinosima, Prijedlog zakona o izmjeni Zakona o novčanim potporama u poljoprivredi i ruralnom razvoju i Prijedlog zakona o izmjenama Zakona o visini stope zatezne kamate na javne prihode. Zatim je pozvao delegate da se, na osnovu člana 188. Poslovnika o radu Doma naroda, izjasne da li će ove prijedloge zakona razmatrati po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 29 glasova za, četiri suzdržana i pet glasova protiv, prihvatio da se Prijedlog budžeta FBiH za 2020. godinu razmatra po hitnom postupku.

S obzirom da je delegat Aner Žuljević, kojeg su podržala dva delegata, izrazio sumnju u rezultate glasanje, sekretar Doma naroda Izmir Hadžić izvršio je poimenično izjašnjenje.

Na osnovu rezultata poimeničnog izjašnjenja, predsjedavajući je konstatovao da je Dom naroda Parlamenta FBiH sa 31 glasom za, šest suzdržanih i 12 glasova protiv, prihvatio da se Prijedlog budžeta Federacije BiH za 2020. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 30 glasova za, šest suzdržanih glasova i 11 glasova protiv, prihvatio da se Prijedlog zakona o izvršavanju Budžeta Federacije za 2020. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 31 glasom za, pet suzdržanih glasova i 11 glasova protiv, prihvatio da se Prijedlog zakona o izmjenama i dopunama Zakona o budžetima u Federaciji BiH razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 30 glasova za, sedam suzdržanih glasova i 12

glasova protiv, prihvatio da se Prijedlog zakona o izmjenama i dopunama Zakona o trezoru u Federaciji BiH razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 31 glasom za, pet suzdržanih glasova i 12 glasova protiv, prihvatio da se Prijedlog zakona o izmjenama Zakona o doprinosima razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 31 glasom za, šest suzdržanih glasova i 11 glasova protiv, prihvatio da se Prijedlog zakona o izmjeni Zakona o novčanim potporama u poljoprivredi i ruralnom razvoju razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 31 glasom za, četiri suzdržana glasa i 12 glasova protiv, prihvatio da se Prijedlog Zakona o izmjenama Zakona o visini stope zatezne kamate na javne prihode razmatra po hitnom postupku.

Kolegij Doma naroda je predložio da se kao 1. tačka dnevnog reda sjednice uvrsti verificiranje mandata delegatu Aleksandru Štrbcu i pristupi glasanju o ovom prijedlogu.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 35 glasova za, tri suzdržana i tri glasa protiv, prihvatio da se u dnevni red uvrsti tačka - Verifikacija mandata delegatu u Domu naroda Parlamenta Federacije BiH kao 1. tačka dnevnog reda.

U ime Kluba delegata bošnjačkog naroda, predsjednik Kluba Jasmin Duvnjak je predložio da se u dnevni red današnje sjednice uvrste Nacrt Zakona o podršci porodici sa djecom u FBiH, Prijedlog Odluke o prihvaćanju zaduženja po Ugovoru o zajmu između BiH i Evropske banke za obnovu i razvoj za realizaciju Projekta Živinice - Regionalna deponija za kruti otpad i Odluka o razrješenju i imenovanju članova Komisije za vrijednosne papire Federacije Bosne i Hercegovine.

Aner Žuljević je predložio da se u dnevni red ove sjednice uvrsti zaključak kojim bi se od Predsjedništva Bosne i Hercegovine zatražilo dostavljanje Programa reformi (ANP) prije njegovog dostavljanja NATO-u.

U vezi prijedloga za uvrštavanje u dnevni red Odluke o razrješenju i imenovanju članova Komisije za vrijednosne papire Federacije Bosne i Hercegovine razvila se diskusija u kojoj su učestvovali Aner Žuljević, potpredsjednik Federacije BiH, Milan Dunović, Dragan Stevanović, Ivo Tadić te Igor Stojanović, koji je izjavio da će 13 delegata iz reda srpskog naroda, u slučaju da se ova tačka uvrsti u dnevni red današnje sjednice,

proglasiti da se radi o vitalnom interesu konstitutivnog srpskog naroda, budući da za članove Komisije nije predložen nijedan pripadnik srpskog naroda.

Jasmin Duvnjak je, nakon toga, povukao prijedlog da se ova tačka uvrsti u dnevni red današnje sjednice.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 35 glasova za, tri suzdržana glasa i tri glasa protiv, prihvatio da se Nacrt zakona o podršci porodicama sa djecom u FBiH uvrsti u dnevni red.

Predsjedavajući je stavio na glasanje da se Prijedlog odluke o prihvaćanju zaduženja po Ugovoru o zajmu između BiH i Evropske banke za obnovu i razvoj za realizaciju Projekta Živinice - Regionalna deponija za kruti otpad uvrsti u dnevni red.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 41 glasom za, pet suzdržanih glasova i jednim glasom protiv, prihvatio da se ova tačka uvrsti u dnevni red.

Potom se glasalo o prijedlogu Aneta Žuljevića da se u dnevni red današnje sjednice Doma naroda uvrsti Zaključak da Predsjedništvo BiH Parlamentu FBiH dostavi Program reformi odbrane prije nego što ih uputi u sjedište NATO Saveza u Briselu.

Pristupilo se glasanju i na osnovu rezultata glasanja, predsjedavajući je konstatovao da je Dom naroda Parlamenta FBiH sa 31 glasom za, 12 suzdržanih glasova i četiri glasa protiv, prihvatio da se Zaključak uvrsti u dnevni red.

Zatim je predsjedavajući stavio na glasanje predloženi dnevni red i na osnovu rezultata glasanja, konstatovao da je Dom naroda Parlamenta Federacije Bosne i Hercegovine sa 41 glasom za, pet suzdržanih glasova i tri glasa protiv usvojio sljedeći

D N E V N I R E D

1. Verifikacija mandata delegatu u Domu naroda Parlamenta Federacije Bosne i Hercegovine,
2. Prijedlog budžeta Federacije Bosne i Hercegovine za 2020. godinu - hitni postupak,

3. Prijedlog zakona o izvršavanju Budžeta Federacije Bosne i Hercegovine za 2020. godinu - hitni postupak,
4. Prijedlog zakona o izmjenama i dopunama Zakona o budžetima u Federaciji Bosne i Hercegovine - hitni postupak,
5. Prijedlog zakona o izmjenama i dopunama Zakona o trezoru u Federaciji Bosne i Hercegovine - hitni postupak,
6. Prijedlog zakona o izmjenama Zakona o doprinosima - hitni postupak,
7. Prijedlog zakona o izmjeni Zakona o novčanim podrškama u poljoprivredi i ruralnom razvoju - hitni postupak,
8. Prijedlog zakona o izmjenama Zakona o visini stope zatezne kamate na javne prihode - hitni postupak,
9. Prijedlog odluke o davanju saglasnosti na Finansijski plan Federalnog zavoda za zapošljavanje za 2020. godinu i Procjenu plana za 2021. i 2022. godinu i Odluku o izvršavanja Finansijskog plana Federalnog zavoda za zapošljavanje za 2020. godinu,
10. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu,
11. Prijedlog odluke o davanju saglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu,
12. Prijedlog finansijskog plana - budžeta FERK-a za 2019. godinu,
13. Prijedlog finansijskog plana - budžeta FERK-a za 2020. godinu,
14. Nacrt zakona o građevinskom zemljištu u Federaciji Bosne i Hercegovine,

15. Nacrt zakona o izmjenama i dopunama zakona o registraciji poslovnih subjekata u Federaciji Bosne i Hercegovine,
16. Nacrt zakona o izmjenama i dopunama zakona o osnovama socijalne zaštite, zaštite civilnih žrtava rata i zaštite porodice s djecom (predlagač: Aljoša Čampara, delegat u Domu naroda Parlamenta Federacije BiH),
17. Nacrt zakona o sudskoj policiji u Federaciji Bosne i Hercegovine,
18. Nacrt zakona o podršci porodicama sa djecom u Federaciji Bosne i Hercegovine,
19. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti - dodatno finansiranje“,
20. Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju projekta “Javni prijevoz Sarajevo”,
21. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Živinice - Regionalna deponija za kruti otpad,
22. Prijedlog zaključka - (predlagač: Aner Žuljević, delegat u Domu naroda Parlamenta Federacije BiH).

1. Verificiranje mandata delegatu u Domu Naroda Parlamenta Federacije Bosne i Hercegovine

Centralna izborna komisija Bosne i Hercegovine obavijestila je Dom naroda da je prestao mandat delegatu Dušku Radunu zbog osude na kaznu zatvora dužu od šest mjeseci te da je dodijeljen mandat sljedećem kvalificiranom kandidatu Aleksandru Štrbcu iz reda srpskog naroda.

Privremena mandatsko imunitetska komisija je održala sjednicu i dostavila svoj izvještaj.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 43 glasa za usvojio izvještaj Privremene mandatsko imunitetske komisije i time verificirao mandat delegatu u Domu naroda Parlamenta Federacije Bosne i Hercegovine Štrbac Aleksandru nakon čega je novoizabrani delegat dao zakletvu.

2. Prijedlog budžeta Federacije Bosne i Hercegovine za 2020.godinu - hitni postupak

Prijedlog budžeta Federacije Bosne i Hercegovine za 2020. godinu utvrdila je Vlada Federacije.

Predstavnički dom Parlamenta Federacije Bosne i Hercegovine je na 9. redovnoj sjednici održanoj 18.12.2019. godine usvojio Prijedlog budžeta Federacije Bosne i Hercegovine za 2020.godinu sa dva amandmana koja je prihvatila Vlada Federacije pa su postali sastavni dio Prijedloga budžeta.

Prijedlog budžeta je razmatralo nadležno radno tijelo i dostavilo izvještaj.

Na Prijedlog budžeta Federacije za 2020. godinu amandmane su podnijeli Edim Fejzić (dva amandmana) i Segmedina Srna Bajramović (pet amandmana).

Prijedlog budžeta Federacije Bosne i Hercegovine za 2020. godinu obrazložio je premijer Federacije Bosne i Hercegovine Fadil Novalić.

U raspravi su učestvovali: Damir Marjanović, Ivo Tadić, Zvonko Marić, Aner Žuljević, Dragan Stevanović, Vibor Handžić, Hadis Jusić, Edim Fejzić, Jasmin Duvnjak, Zdenka Džambas.

Budući da Vlada Federacije nije prihvatila podnesene amandmane, predsjedavajući je upitao podnosiocima amandmana ostaju li pri podnesenim amandmanima.

Edim Fejzić je izjavio da odustaje od amandmana, a Segmedina Srna Bajramović nije odustala od amandmana, te ih je predsjedavajući stavio na glasanje i konstatovao da:

- Dom naroda Parlamenta Federacije nije usvojio Amandman I, jer je za glasalo 20 delegata, 10 delegata je bilo suzdržano, a 13 delegata je bilo protiv;

- Dom naroda Parlamenta Federacije nije usvojio Amandman II, jer je za glasao 21 delegat, devet delegata je bilo suzdržano, a 12 delegata je bilo protiv;
- Dom naroda Parlamenta Federacije nije usvojio Amandman III, jer je za glasao 21 delegat, 11 delegata je bilo suzdržano, a 10 delegata je bilo protiv;
- Dom naroda Parlamenta Federacije nije usvojio Amandman IV, jer je za glasalo 18 delegata, 10 delegata je bilo suzdržano, a 12 delegata je bilo protiv;
- Dom naroda Parlamenta Federacije nije usvojio Amandman V, jer je za glasalo 20 delegata, sedam delegata je bilo suzdržano, a 12 delegata je bilo protiv.

Potom se glasalo o Prijedlogu budžeta Federacije BiH za 2020. godinu.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, jedan suzdržan i 10 glasova protiv usvojio Prijedlog budžeta Federacije BiH za 2020. godinu.

Potom je predsjedavajući stavio na glasanje prijedlog zaključka delegate Nijaza Musića i na osnovu rezultata glasanja, konstatovao da je Dom naroda Parlamenta Federacije Bosne i Hercegovine sa 39 glasova za, tri suzdržana i jedan protiv usvojio sljedeći

ZAKLJUČAK

Obavezuje se Vlada Federacije Bosne i Hercegovine da, prilikom raspodjele sredstava iz Budžeta Federacije Bosne i Hercegovine sa ekonomskog koda - Podrška nižim nivoima vlasti, uzme u obzir nerazvijene i neodržive kantone i općine i njihove potrebe u pogledu izvršavanja ustavnih i zakonskih obaveza.

Budući da su Klub delegata bošnjačkog naroda u Domu naroda i Odbor za ekonomsku i razvojnu politiku, finansije i budžet Doma naroda predložili zaključke, predsjedavajući ih je stavio na glasanje i konstatovao da:

- Dom naroda Parlamenta Federacije nije usvojio Zaključak kojeg je predložio Klub delegata bošnjačkog naroda u Domu naroda, jer je za glasalo 19 delegata, osam delegata je bilo suzdržano, a sedam delegata je bilo protiv;

- Dom naroda Parlamenta Federacije nije usvojio Zaključak kojeg je predložio Odbor za ekonomsku i razvojnu politiku, finansije i budžet Doma naroda, jer je za glasalo 20 delegata, pet delegata je bilo suzdržano, a četiri delegata su bila protiv.

3. Prijedlog zakona o izvršavanju Budžeta Federacije za 2020.godinu - hitni postupak

Prijedlog zakona o izvršavanju Budžeta Federacije za 2020. godinu utvrdila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izvršavanju Budžeta Federacije Bosne i Hercegovine za 2020. godinu u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, dva suzdržana i devet glasova protiv, usvojio Prijedlog zakona o izvršavanju Budžeta Federacije Bosne i Hercegovine za 2020. godinu..

4. Prijedlog zakona o izmjenama i dopunama Zakona o budžetima u Federaciji BiH - hitni postupak

Prijedlog zakona o izmjenama i dopunama Zakona o budžetima u Federaciji BiH utvrdila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izmjenama i dopunama Zakona o budžetima u Federaciji BiH u tekstu kako ga je predložila Vlada Federacije.

Prijedlog zakona o izmjenama i dopunama Zakona o budžetima u Federaciji BiH obrazložila je federalna ministrica finansija Jelka Milićević.

Na Prijedlog zakona Amandman je podnio delegat Aner Žuljević.

Prijedlog zakona su razmatrala nadležna radna tijela i dostavila svoje izvještaje.

U raspravi niko nije učestvovao.

Budući da Vlada Federacije nije prihvatila Amandman delegata Anera Žuljevića, a kako delegat nije odustao od Amandmana, predsjedavajući ga je stavio na glasanje i konstatovao da Dom naroda Parlamenta Federacije nije usvojio Amandman, jer je za glasalo 18 delegata, osam delegata je bilo suzdržano, a 15 delegata je bilo protiv.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, tri suzdržana i osam glasova protiv usvojio Prijedlog zakona o izmjenama i dopunama Zakona o budžetima u Federaciji Bosne i Hercegovine.

5. Prijedlog zakona o izmjenama i dopunama Zakona o trezoru u Federaciji BiH - hitni postupak

Prijedlog zakona o izmjenama i dopunama Zakona o trezoru u Federaciji BiH utvrdila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 17.12.2019. godine usvojio Prijedlog zakona o izmjenama i dopunama Zakona o trezoru u Federaciji BiH u tekstu kako ga je Vlada Federacije predložila.

Prijedlog odluke su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, jedan suzdržan i jedan protiv, usvojio Prijedlog zakona o izmjenama i dopunama Zakona o trezoru u Federaciji Bosne i Hercegovine.

6. Prijedlog zakona o izmjenama Zakona o doprinosima - hitni postupak

Prijedlog zakona o izmjenama Zakona o doprinosima utvrdila je Vlada Federacije.

Zastupnički dom Parlamenta Federacije Bosne i Hercegovine je na 9. sjednici održanoj 18.12.2019. godine usvojio Prijedlog zakona o izmjenama Zakona o doprinosima u tekstu kako ga je predložila Vlada Federacije.

Prijedlog odluke su razmatrala nadležna radna tijela i dostavila svoje izvještaje.

U raspravi su učestvovali Rasim Pajić, federalna ministrica finansija Jelka Milićević i Elmedin Konaković.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, tri suzdržana glasa i dva glasa protiv, usvojio Prijedlog zakona o izmjenama Zakona o doprinosima.

7. Prijedlog zakona o izmjeni Zakona o novčanim podrškama u poljoprivredi i ruralnom razvoju - hitni postupak

Prijedlog zakona o izmjeni Zakona o novčanim podrškama u poljoprivredi i ruralnom razvoju utvrdila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 17.12.2019. godine usvojio Prijedlog zakona o izmjeni Zakona o novčanim podrškama u poljoprivredi i ruralnom razvoju i primio k znanju Informaciju o produženju Srednjoročne strategije razvoja poljoprivrednog sektora u Federaciji za period 2015. - 2019. godina do kraja 2020. godine.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona o izmjeni Zakona o novčanim podrškama u poljoprivredi i ruralnom razvoju obrazložila je federalna ministrica finansija Jelka Milićević. U raspravi su učestvovali predsjednik Kluba delegata bošnjačkog naroda Jasmin Duvnjak i Aner Žuljević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, četiri suzdržana i jedan glas protiv usvojio Prijedlog Zakona o izmjeni Zakona o novčanim podrškama u poljoprivredi i ruralnom razvoju.

Također, predsjedavajući je konstatovao da je Dom naroda Federacije BiH primio k znanju Informaciju o produženju Srednjoročne strategije razvoja poljoprivrednog sektora u Federaciji za period 2015. - 2019. godina do kraja 2020. godine.

8. Prijedlog zakona o izmjenama Zakona o visini stop zatezne kamate na javne prihode - hitni postupak

Prijedlog zakona o izmjenama Zakona o visini stope zatezne kamate na javne prihode utvrdila je Vlada Federacije.

Predstavnički dom Parlamenta Federacije Bosne i Hercegovine je na 4. sjednici održanoj 10. i 11.09.2019 godine usvojio Prijedlog zakona o

izmjenama Zakona o visini stope zatezne kamate na javne prihode u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, tri suzdržana i nijedan protiv usvojio Prijedlog zakona o izmjenama Zakona o visini stope zatezne kamate na javne prihode.

9. Prijedlog odluke o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020. godinu.

Prijedlog odluke o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020.godinu dostavila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 18.12.2019 godine donio Odluku o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020.godinu.

Prijedlog odluke su razmatrala nadležna radna tijela i dostavila svoje izvještaje.

U raspravi su učestvovali: Elmedin Konaković, Aljoša Čampara, Ivo Tadić, Dragan Stevanović, Aner Žuljević, Žarko Vujević, predsjednik Kluba delegata bošnjačkog naroda, Jasmin Duvnjak, Zvonko Marić, direktorica Federalnog zavoda za zapošljavanje, Helena Lončar i Damir Marjanović.

Na osnovu rezultata glasanja predsjedavajući je konstatovao da Dom naroda Parlamenta federacije Bosne i Hercegovine nije usvojio Prijedlog odluke o davanju saglasnosti na Finansijski plan Federalnog zavoda za zapošljavanje za 2020.godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za

zapošljavanje za 2020.godinu jer je za glasalo 29 delegata, tri su bila suzdržana i šest delegata je bilo protiv.

S obzirom da je predsjednik Kluba hrvatskog naroda izrazio sumnju u rezultate glasanja, uz podršku dva delegata, sekretar Doma naroda Izmir Hadžić je na osnovu člana 113. Poslovnika o radu Doma naroda izvršio poimenično izjašnjavanje.

Na osnovu rezultata poimeničnog izjašnjavanja predsjedavajući Doma naroda je konstatovao da je Dom naroda Parlamenta Federacije Bosne i Hercegovine sa 33 glasa za, šest suzdržanih i šest glasova protiv donio Odluku o davanju saglasnosti na Finansijski plan Federalnog zavoda za zapošljavanje za 2020. godinu i procjenu plana za 2021. i 2022. godinu i Odluku o izvršavanju Finansijskog plana Federalnog zavoda za zapošljavanje za 2020.godinu.

Nakon toga predsjedavajući je stavio na glasanje prijedlog zaključka Kluba delegata bošnjačkog naroda i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 36 glasova za, dva suzdržana i jedan glas protiv usvojio sljedeći

ZAKLJUČAK

Zadužuje se Federalni zavod za zapošljavanje da javni poziv za učešće u realizaciji mjera sufinansiranja samozapošljavanja objavi najkasnije do 28. 2. 2020. godine i da se ukupni iznos sredstava predviđen za realizaciju ovih mjera uveća za 30% u odnosu na 2019. godinu.

10. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu

Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu dostavila je Vlada Federacije.

Predstavnički dom Parlamenta Federacije Bosne i Hercegovine je na 9. sjednici održanoj 18.12.2019. godine donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog

plana Zavoda zdravstvenog osiguranja i reosiguranja Federacije BiH za 2020. godinu.

Prijedlog su razmatrala nadležna radna tijela i dostavila svoje izvještaje.

Finansijski plan je obrazložila direktorica Zavoda zdravstvenog osiguranja i reosiguranja FBiH, Vlatka Martinović.

Na Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu Amandman je podnio Dragan Stevanović

U raspravi su učestvovali Dragan Stevanović i direktorica Zavoda zdravstvenog osiguranja i reosiguranja FBiH Vlatka Martinović.

Na osnovu rezultata predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, tri suzdržana i sedam protiv donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2020. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2020. godinu.

11.Prijedlog odluke o davanju saglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu,

Prijedlog odluke o davanju saglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu je utvrdila Vlada Federacije.

Predstavnički dom Parlamenta Federacije Bosne i Hercegovine je na 6. vanrednoj sjednici održanoj 17.12.2019. godine donio Odluku o davanju saglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu.

U raspravi je učestvovao Aner Žuljević.

Na osnovu rezultata predsjedavajući je konstatovao da je Dom naroda Parlamenta Federacije Bosne i Hercegovine donio Odluku o davanju saglasnosti na Odluku o izmjenama i dopunama Finansijskog plana Federalnog zavoda za penzijsko i invalidsko osiguranje za 2019. godinu.

12. Prijedlog finansijskog plana - budžeta FERK-a za 2019. godinu,

Prijedlog finansijskog plana - budžeta FERK-a za 2019. godinu utvrdila je Regulatorna komisija za energiju u Federaciji Bosne i Hercegovine.

Predstavnički dom Parlamenta Federacije Bosne i Hercegovine je na 7. sjednici održanoj 29.10.2019. godine usvojio Prijedlog Finansijskog plana Budžeta FERK-a za 2019. godinu.

Prijedlog su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 35 glasova usvojio sljedeći

ZAKLJUČAK

Dom naroda Parlamenta Federacije Bosne i Hercegovine usvaja Prijedlog budžeta FERK - a za 2019. godinu.

13. Prijedlog finansijskog plana - budžeta FERK-a za 2020. godinu

Prijedlog finansijskog plana - budžeta FERK-a za 2019. godinu utvrdila je Regulatorna komisija za energiju u Federaciji Bosne i Hercegovine.

Predstavnički dom Parlamenta Federacije Bosne i Hercegovine je na 9. sjednici održanoj 18.12.219. godine usvojio Prijedlog finansijskog plana - budžeta FERK-a za 2020. godinu.

Prijedlog su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 37 glasova usvojio sljedeći

ZAKLJUČAK

Dom naroda Parlamenta Federacije Bosne i Hercegovine usvaja Prijedlog budžeta FERK - a za 2020. godinu.

14. Nacrt zakona o građevinskom zemljištu u Federaciji Bosne i Hercegovine

Nacrt zakona utvrdila je Vlada Federacije.

Nacrt zakona o građevinskom zemljištu u Federaciji Bosne i Hercegovine obrazložio je direktor Uprave za geodetske imovinsko-pravne poslove, Željko Obradović.

U raspravi niko nije učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 31 glasom za usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o građevnom zemljištu u Federaciji Bosne i Hercegovine i smatra da može poslužiti kao osnova za izradu Prijedloga zakona
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje budu uložene na ovaj Nacrt zakona.

15. Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine

Nacrt zakona utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 30. vanrednoj sjednici održanoj 30.08.2018. godine razmatrao Nacrt zakona i prihvatio ga Zaključkom.

Nacrt zakona su razmatrala nadležna radna tijela i dostavila svoje izvještaje.

Nacrt zakona o izmjenama i dopunama zakona o registraciji poslovnih subjekata u Federaciji Bosne i Hercegovine obrazložio je predstavnik Vlade Mato Jozić.

U raspravi je učestvovao Aner Žuljević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, jedan suzdržan usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o registraciji poslovnih subjekata u Federaciji Bosne i Hercegovine i smatra da može poslužiti kao osnova za izradu prijedloga zakona.
2. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma naroda.

16.Nacrt zakona o izmjenama i dopunama zakona o osnovama socijalne zaštite, zaštite civilnih žrtava rata i zaštite porodice s djecom

Nacrt zakona je utvrdio Aljoša Čampara, delegat u Domu naroda Parlamenta Federacije BiH. Nacrt zakona je istovjetan Nacrtu zakona kojeg je u Predstavničkom domu podnio poslanik Irfan Čengić.

Predstavnički dom Parlamenta Federacije Bosne i Hercegovine je na prvoj sjednici održanoj 28.02.2019. godine prihvatio Nacrt ovog zakona i stavio ga u javnu raspravu.

Nacrt zakona je obrazložio Aljoša Čampara .

U raspravi su učestvovali Segmedina Srna Bajramović, Aljoša Čampara i Zvonko Marić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za i jednim suzdržanim glasom usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice s djecom i smatra da mogu poslužiti kao osnova za izradu prijedloga zakona.
2. Zadužuje se predlagač da zajedno sa nadležnim ministarstvom organizira i provede javnu raspravu u trajanju od 30 dana u skladu sa procedurama predviđenim u Ustavu Federacije BiH te donošenje zakona iz zajedničke nadležnosti federalne vlasti i kantona.

3. Zadužuje se Stručna služba Doma naroda Parlamenta FBiH da ovaj Zaključak i Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodica s djecom dostavi kantonalnim skupštinama radi davanja mišljenja u roku od 30 dana.
4. Zadužuje se predlagač da prilikom Prijedloga zakona ima u vidu primjedbe, prijedloge i sugestije iznesene na današnjoj sjednici Doma naroda.

17. Nacrt zakona o sudskoj policiji u Federaciji BiH

Nacrt zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 4. sjednici održanoj 10 i 11.09.2019. godine prihvatio Nacrt ovog zakona.

Nacrt zakona o sudskoj policiji u Federaciji BiH obrazložio je predstavnik Vlade, Mato Jozić.

U raspravi nije niko učestvovao.

Na osnovu rezultata glasanja sa 40 glasova za i jednim glasom suzdržan usvojio sljedeći

ZAKLJUČAK

Dom naroda Parlamenta Federacije Bosne i Hercegovine prihvata Nacrt zakona o sudskoj policiji u FBiH i smatra da može poslužiti kao osnova za izradu prijedloga zakona.

18. Nacrt zakona o podršci porodicama sa djecom u Federaciji Bosne i Hercegovine

Budući da predstavnik predlagača nije prisustvovao sjednici, ova tačka je skinuta s dnevnog reda.

Potom je sjednica prekinuta u 18.42 sati.

NASTAVAK SJEDNICE OD 23.1. 2020. GODINE

Sjednica je počela sa radom u 12.15.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice opravdali su Jasminko Kapić, Nikica Bosnić, Mladen Lonić, Damir Marjanović, Drago Puzigaća, Zora Dujmović i Mirela Trepanić.

Prema evidenciji Stručne službe, sjednici prisustvuje 50 delegata što čini većinu pa Dom naroda može raditi i punovažno odlučivati.

Potom je predsjedavajući podsjetio delegate na preostale tačke dnevnog reda i prešao na rad.

19. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti - dodatno finansiranje“

Vlada Federacije Bosne i Hercegovine je utvrdila i dostavila Prijedlog odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 5. sjednici održanoj 9.10.2019. godine donio ovu Odluku.

Prijedlog odluke je razmatralo nadležno radno tijelo koje je dostavilo izvještaj.

Prijedlog odluke je obrazložio predstavnik Federalnog ministarstva finansija Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, sa 45 glasova za, donio Odluku o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za realizaciju Projekta „Energetske efikasnosti - dodatno finansiranje“.

20. Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju projekta “Javni prijevoz Sarajevo”

Vlada Federacije Bosne i Hercegovine je utvrdila i dostavila prijedlog Odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 5. sjednici održanoj 20.11.2019. godine donio ovu Odluku.

Prijedlog odluke je razmatralo nadležno radno tijelo koje je dostavilo izvještaj.

Prijedlog odluke je obrazložio predstavnik Federalnog ministarstva finansija Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, sa 45 glasova za i četiri suzdržana glasa, donio Odluku o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju projekta “Javni prijevoz Sarajevo”.

21. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Živinice - Regionalna deponija za kruti otpad

Vlada Federacije Bosne i Hercegovine je utvrdila i dostavila Prijedlog odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 5. sjednici održanoj 17.12.2019. godine donio ovu Odluku.

Prijedlog odluke je razmatralo nadležno radno tijelo koje je dostavilo izvještaj.

Prijedlog odluke je obrazložio predstavnik Federalnog ministarstva finansija Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, sa 47 glasova za i tri suzdržana glasa, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Živinice - Regionalna deponija za kruti otpad.

22. Prijedlog zaključka - (predlagač: Aner Žuljević, delegat u Domu naroda Parlamenta Federacije BiH).

Delegat Aner Žuljević je izjavio da je donošenje zaključka imalo smisla u momentu njegovog predlaganja, a kako je dokument objavljen izjavio je da odustaje od predloženog zaključka.

Predsjedavajući je obavijestio delegate da će 5. sjednica Doma naroda biti zakazana 13.2.2020. godine.

Sjednica je završena u 12.30 sati.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović